



Arubaanse Courant

DIAMARS 29 DECEMBER 1964

No. 52 20.

Anja 26.

ACCION LIHER DI POLIS A SALBA MUCHA CHIKITU

UTRECHT, 29 dec. - Door di intervencion liher di un peditra, ayudo ehemplar di polis di Amsterdam y Utrecht y cooperacion liher di radio di Hilversum, nan a logra salba vida di un mucha di cinco anja di Utrecht.

mucha, Rietje, foi tino di su avornan a bebe kasi un botter mpleto di autopolish.

docter cu tabatin warda notabata sa cual contraveneno e duna, pasobra e no ta na altura di formula dje polish. E fabricante, senyor Broeksma, cu tabata na altura dje formula, a worde acerca di parti di polis di Amsterdam.

Atrobe refugiado Aleman mata

LUENENBERG, Alemania Occidental, 29 dec. - Occupantenan di un toren di guardia di Alemania oriental ne frontera cu Alemania occidental a lansa un llovida di bala di scopet riba un refugiado di Alemania Oriental cu a cai 40 meter di frontera cu Alemania Occidental.

restunan despues a worde transporta pa miembronan dje guardia di Alemania oriental den truck.

Aleman oriental hoben y dos

SUBMARINO MERICANO PA AWA CHINES

WASHINGTON, 29 Dec. - E submarino di atoom Daniel Boone cu ta equipa cu 16 raket Polaris, sali pa su base riba e isla Guam den Pacifico (na oost di Filipina y noord di e grupo di islanan Caroline), pe awanan na altura dje costa Chines, dencua an lo patrulla durante dos luna despues worde reemplasa.

El ministerio Mericano di defensa dje pais, cu a duna e anuncio aki, a participa tambe cu den futuro seis otro submarino lo reemplaci cu "Daniel Boone". "Daniel Boone" ta equipa cu raketnan Polaris dje tipo A-2 cu por alcanza mas di 1000km. El ministerio a anuncia ainda, cu e submarino aki pronto lo hanja disposicion di raketnan polaris A-3 cu por alcanza 4500 km. Altar dje republica Popular Chines por worde domina cu e raketnan di Daniel Boone. E ministerio Mericano di defensa dje pais acentua ainda cu e viahe di Daniel Boone no tin relacion cu hecho cu China comunista po ten pasa a trese su prome bom nuclear den explosion.


E homber cu tabatin un fabrica chikito na Quellijnstraat, no tabata na cas. Den un temporecord, nan a transmiti un noticia urgente via radio. Pa anuncio di esaki hasta nan a interumpi programa-

HOPI MORTO NA MEJICO

CIUDAD DE MEJICO, 29 Dec. - Fiesta di pascu te ainda a laga mas di dos cien habitante dje capital Mejicano, Mejico City muri un morto cruel.

Entre e cantidad aki, un record por ciento, tin 19 persona cu a worde mata biespu di Pascu.

En total a muri es anochi aki 34 persona. E autoridadnan ta bisa cu mayoria



di radio. E resultado ta cu den todo caso, a keda na cla, cu fabricante Broeksma ta di bishita cerca un ruman muher na Nobelstraat na Utrecht. Atrobe nan a inclui polis, e biaha aki esun di Utrecht, cu a manda un patrulla pa Nobelstraat 52 pa busca senyor Broeksma. Di suelter e por a bisa e docter cual ingrediente nan tin den su autopolish. E hospital no kier a duna ningun informacion mas tocante e salbamentu liher, tampoco nan a duna identidad dje mucha, solamente nan a bisa cu Rietje ta fuera di peliger.

dje asesinatonan ta causa pe tal posadanan, nochinan semi religioso di cantica, cu varios biaha ta

termina como un fiestin di bebestu. E cantidad di victimanan dje celebracion di pascu den restu di Mejico no ta conoci ainda, pero ta ser supone cu esaki tambe lo ta notablemente altu.

JOHNSON TOCANTE TENSION RACIAL

AUSTIN, 29 Dec. - President Johnson den un carta publica na su minister di defensa Robert McNamara ta insisti riba expulsion completo di discriminacion racial cerca forzanan di guerra Mericano. E president Mericano ta elogia e minister pe progresonan cu a ser haci riba e terreno aki pero ta muestra, cu e accion cu a cuminsa asina bon pa trato igual pa tur militar mester continua te ora cu tur huella di discriminacion disparse.

* President Johnson segun e revista Mericano "Time" te homber di anja. Segun e corant, el a haci cuenta cu tur e scepticonan door di sobrepasa kasi tur su antesornan cu loke el a realisa den un solo anja. Tambe el a obtene e triunfo di eleccion di mas grandi den historia Mericano, segun "Time".

Guerra friu entre militar Sur Vietnameses y Taylor

SAIGON, 29 dec. - Despues dje golpe di estado di un siman pasa na Vietnam del Sur, caminda e grupo di generalnan mas hoben - e Turconan hoben - a manda e consejo nacional cas. e intentonan pa aclara e situacion politico te ainda no a duna resultado.

E "Turconan hoben" kier laga e consejo supremo nacional regresa eventualmente, maske sea agregando algun miembronan nobo pa salba nan prestigio. E embaahador Mericano na Vietnam del sur, general Maxwell Taylor, cu un simanpasa despues dje gol-

pe di estado na Saigon a duna e malcontento di Merca pa esaki, foi dje tempu ey a limita su deliberacionnan te na un circulo di funcionarionan civil Sur Vietnameses cu prome minister Fran Van Hoang na cabez. E comandante di forzanan Sur Vietnames

di guerra, teniente general Ngoeyen Khanh, tabata indigna cu e actuacion di Taylor, locual el a llama arrogante y indiplomatico.

Segun e ultimo noticianan dje escena di bringamentu, tur e helicopternan Mericano presente den territorio di riu Melong a wordu inclui pa duna ayudo ne trupanen Sur Vietnameses di gobierno, cu ta envolvere akinanden un bringamentu cu por lo menos un batallon di guerilleronan - Vietcong.

Trupanen Sur Vietnameses cu ta apoya pa fuego di raket, lansa pa helicopternan Mericano den un bringamentu cu a cuminsa diasabra mainta y cu a dura 24 ora, cu a tuma lugar cerca un base aerea Mericano grandi na mas o menos 150 km na zuid west di Saigon, a mata un 70 rebelde comunista.

Di fuente di gobierno por lo menos cinco homber a muri mientras cu 14 militar a keda herida. Tambe seis Mericano a wordu herida mientras cu un helicoptero Mericano a wordu derumba.

TRATAMENTU ASUNTU KONGO DI SEGURIDAD

NEW YORK, 29 dec. - Na tratamiento di e asunto Kongo den consejo di seguridad di Nacionnan Uni e delegado Mericano, Adlai Stevenson, a bisa cu prome cu e operacion Belgo-Mericano na Stanleystad 65 estranhero a worde mata door di e rebeldenan.

Stevenson, cu a reacciona energicamente contra e pretencionnan di algun delegado Africano segun cualnan no tabatin ehencionnan prome cu e accion, a bisa cu e lista cu victimanan ta na disponible pa ken cu kier haci un investigacion.

Stevenson a bisa cu e tin e

impresion cu diferente paisnan Africano ta menosprecia e deseo di Merca pa union y desarollo pacifico na Kongo, a unke cu e paisnan ey mes diferente biaha a pretende cu nan kier un Congo independiente y stabli.

E discurso di Stevenson a causa un reaccion energica di e repre-

NA CONSEJO

sentante Ruso, Morozov. Morozov entre otro a ripiti e acusacion Ruso cu Merca y Belgica ta culpable di agresion contra Kongo. E debat den e consejo a worde suspende despues te dialuna.

EXPEDISION ULANDES PA MIAMI

AMSTERDAM, 29 Dec. - E pintor Ulandes Eduard Heijmans (52 anja) foi Aerdenhout. Riba invitacion di Miami Museum of modern art, lo tene di dos te cu 28 di maart awor un exposicion di e so. E 30 obranan cu lo worde embarca otro luna ta consisti mayoria parti di reliefsman, Hal-

jman cu a cuminsa pinta como autodidacto na su edad di 44 anja, a tene exposicion den museo na Amsterdam, museo Abbe na Eindhoven y museo na Utrecht. E catalogos pe exposicion Mericano a worde introduci pa Bert-Schierbeek.

Paisnan petrolero ta acepta proposicion di companianan

GINEBRA, 29 dec. - Cincu pais foi mediano oriente, cu ta miembro dje organisacion di paisnan cu ta exporta petroleo, a dicidi di acepta e recien oferta dje companianan petrolera grandi, segun a resulta foi un noticia publica na Ginebra pe organisacion.

Den e desicion nan no a duna participacion tocante oferta dje companianan. Den algun noticia-
nan di prensa nan a bisa sinem-
bargo cu e paisnan di produc-

cion e aña aki lo ricibi proba-
blemente mas di 100 milion dol-
lar extra. E oferta a wordu haci
pa Iran Koeweit, Libia, Oatar,
y Saoedi Arabia. Irak a rechaza

e proposicion. Un bosero dje or-
ganisacion a participa, cu pais-
nan miembro segun e decision
actualmente por delibera separa
cu companianan petrolera rela-
siona.

Den e desicion a keda anuncia
cu ne conferencia na Djakarta,
dos otro miembro, entre otro,
Venezuela y Indonesia, maske
no ta directamente relaciona cu e
aregio di royaltynan, tabata di
acuerdo cu Irak cu e oferta dje
companianan no ta satisface e
exigencianan minimo. Nana asisti
pa acepta un desicion dencual
nan a recomenda rechaza dje o-
ferta, pero e conferencia no a
acepta esaki. Segun desicion e
paisnan cu a acepta e oferta ta
dispuesto pa continua huntu cu
otro paisnan asocia, e lucha pa
aumenta prijsnan di petroleo cru-
do.

PARTICIPACION

LA ESPERANZA (ARUBA) N.V.

TA CERA DIA 2 DI JANUARI 1965

TA HABRI NORMALMENTE DIA

4 DI JANUARI 1965

PERO PA MOTIBO DI INVENTARIO TA
CERA Ariba Dianan

5, 6 Y 7 DI JANUARI 1965.

PARTICIPACION

Elmar ta participa na su consumidornan di cor-
riente, cu su oficina y su departamento tecnico
na Oranjestad y na San Nicolas, lo ta sera pa
henter dia riba diasabra 2 di januari 1965.

PA MOTIBO DI VIAJA

TA BENDE

Refrigerator "G.E." 9 cu. ft.
F. 350.--, stoof "Tappan", un
anja bjeeuw F. 175.--, wash-
machien "Hotpoint" (semi-au-
tomatic) F. 375.--, 5 cama di
un persona cu matras F. 35.--
pa un, 1 bicicleta pa mucha
homer 10-11 anja F. 35.--, 1
bicicleta pa mucha homer 4-5
anja F. 15.-- y mas articulos di
cas, tur den perfecto condicion.
Acudi na: Moko 18, Paradera.

CUMINZA ANA NOBO BON

Inscribi riba un di e siguiente cursonan, cualnan lo cuminsa
na Januari na Cursus Succes.
Type, Steno, huiandes, ingles y spanjo. (4 jan). Boekhouden (4 Jan)
Aspirant Agent van politie (5 jan).
Engels (6 jan)
Spaans (5 jan)
Algemene Ontwikkeling (9 jan).

E candidatanan cu no a worde aproba pa Type ta sigui haya les
gratis te ora nan slaag. Pa type por inscribi diariamente.
Cursus Succes: Oranjestad, Nieuwstraat 6, Tel. 1534.
Santa Cruz-Papillon 54.
San Nicolaas-Bernhardstraat 110, tel. 5791.



* Seis persona a muri y 48 a
keda herida ora cu un bus di
caminda di Ciudad de Mexico pa
Acapulco, a dal di frente cu tres
otro auto. Un dje 4 heridonan ta
den peliger di morto.

NOBO NOBO NOBO

NASSAUSTRAT 34.

Nos a caba di habri tela nobo
den bunita color y disenjo di
mas moderno den Drip Dry pa e
fiestanan venidero di anja nobo.
Tela Lamee den color di oroy
plata. Bunita tela pa cortina.
Shift Panel den 12 disenjos,
1 1/2 yarda pa traha un bisti
di shift. Y nos prijsnan sem-
per ta mas barata pa bon cali-
dad!

BISHITA NA BERLIN ORIENTAL

BERLIN, 29 dec. - Pa di do-
biaha foi dje construcion dje mu-
raja Berlins dia 13 di agos-
to di 1961 e anja aki Berlinsnan
oriental y occidental pa di prome
biaha por a celebra huntu fiesta
Pascu. Mas o menos 200.000
Berlins occidental diahuebs y
dos dia di pascunan a bishita na
familia y amigunan den e parti
oriental dje ciudad.
Pa di prome biaha foi dje exis-
tencia dje muraja pa Pas-
Berlinsnan Oriental y Aleman-
nan oriental den edad di pensh-
por a sali pa occidente. Nan a
tual periodo di bishita lo dura
cu tres di januari. A base d
acuerdo di paz di september pa
tin dos periodo di bishita mas e
tre otro pa Pascu di resure-
cion y pentecoster di otro an-
Den e prome mitar dje actu-
periodo mas o menos 400.000
Berlins occidental a haci u-
dje acuerdo.

CANDELA FORMA NA DJAKARTA

DJAKARTA, 29 dec. - Segun
corantnan local 2600 persona
perde nan cas door di un can-
den un ciudad di Djakarta.
Por lo menos dos cien cas
kima. E danjo ta ser calcula ri-
30 milyon Roephia (mas o men-
un millon florin).
4 Mucha di edad di 1 te cu 4 a-
a muri na West Groenland, e
cu dia di pascu nan cas a kir-
Nan mayornan a bai haci bisi-
nan bishita, segun participa.

CUMINSANDO 1 DI JANUARI 1965



ta ofrece bo e ventaha exclusivo di comunicacionnan

Jet NON STOP cu KINGSTON (JAMAICA)

pa e tarifanan ventahoso abao menciona:

di/pa	ARUBA		FIRST CLASS \$ 106.--	enkele reis
	CURACAO	di/pa KINGSTON	\$ 202.--	ida y vuelta 1 anja
	BONAIRE			

ECONOMY CLASS \$ 70.--	enkele reis
\$ 133.--	ida y vuelta 1 anja
\$ 100.--	ida y vuelta 17 dia

Fecha di comienzo y tarifanan ta dependé di aprobacion di Gobierno

DIEZ POLIS A HIBA LISTON WARDA

(Di Nos Redactor Deportivo)

E corpulento ex campeón mundial Sonny Liston den e dianan recien di fiesta a worde encarcela pa motibo di ta sospecha di a stuur bao influencia di alcohol. Un total di 10 polis despues di masha hopi halamento y pushamento a logra domina Liston pa hibe le warda. El a worde registra den e boeki di detenidonan y segun polis e lo tin di keda posiblemente cuater dia cerra na Denver.

Tres polis di e ciudad ey a para auto di Liston, un Cadillac model 1965, dilanti di un bar, caminda e pugilista cu un otro homber, kende Liston a identifica como su chofer, tabata sinta ta come.

E polis Donald Smith, a bisa cu Liston a declara cu ta e otro homber tabata stuur. Pero polis no ke acepta esaki, ya cu segun nan ta Liston mes tabata tras di stuurwiel.

Esaki ta di tres biaha cu e anja aki Liston ta worde deteni pa motibo di viola leyman di trafico. El a hanja boet di 600 dollar, castigo di 30 dia den prison condicional, pasobra e tabata cor- re peligroso y tabata hiba un arma kondi.

Actualmente Liston ta wardando e pelea di revancha contra di Cassius Clay, kende dia 25 di februari 1964 a kitele e titulo di campeón ora cu Liston no por a sali pa e septimo rond.

Dia 16 di december e pelea di revancha mester a tuma lugar na Boston, pero tres anochi prome cu esey Clay mester a worde hospitaliza pa ser opera urgentemente.

Segun informacion, Liston tabata e dianan ey den e mihor momen- tonan di su carrera. E tabata pisa 95 1/2 kilo. Awor cu el a worde encarcela, e tabata muestra mas pisa y masha trasnocha.

E polis Smith a bisa cu ta su coleganan Max Wilson y Edward Nelson a detene Liston. El a a- grega: "E tabata pusha y stoot dunando asina resistencia. Nos a hink'e den un auto di polis, pero el a bolbe sali, y e ora nosa pidi ayuda".

E mensahe via radio di Smith tabata: "Nos tin Liston y nos no por cune". E polis Wilson a a- clara cu no tabata tin tiramento di moketa. Tabata unicamente pushamento. Unicamente na su brazanan polis a pone man pa hink'e den auto.

Liston a declara na un polis cu ta unicamente un cerbesel abebe. Otro polis ta bisa cu Liston a admitti di a tuma seis of ocho cerbes.

Dies polis den cuater auto a acudi na e yamada di auxilio. Den un van di polis Liston a wor- de hiba warda.

E homber cu tabata cune no a worde arresta. Polis no a duna identificacion di e homber, kende nan a bisa a keda tranquil. E ta- bata un solda di e base di Lowry, na Denver.

Mas o menos 10 blokfordiecas elegante di Liston, el a worde deteni. Dos siman despues di a worde condena delaster biaha, Liston a worde arresta atrobe pa corremento demasiado duro. El a hanja boet di 20 dollar.

Na e promer incidente di e anja aki, e polis James Snyder a bisa cu Liston a trata di dal'e. Snyder a splika cu Liston tabata corriendo su auto mas o menos 100 kilometer pa ora den un zona caminda e maximo velocidad per- miti ta di 50 kilometer.

Den e anjanan 1950, Liston a cumpli dos condena den prison di Missouri pa horta y bringa. Durante mas di tres anja e tabata preso.

Despues di a hanja su libertad, Liston a drenta filanan di boxeo profesional na 1953. Facilmente el a derrota 33 di su 34 rivalnan, prome cu el a kita e corona di campeón mundial for di Floyd Patterson na september 1962. Den e promer rond el a noke a Patterson y den e pelea di revancha na juli 1963, el a ripiti e hazanja aki.

Ultimo fiestanan di Pascu, Lis- ton manera Santa Claus a entrega regalo na huerfanonan na Denver, Pero e Pascu aki, segun polis, Liston a pas'e ta drumi.

PARTIDO NOBO NA BELGICA

BRUSELAS, 29 dec. - Na Luik un partido nobo "Parti Socialiste des travailleurs a wordu lanta. E desicion aki a wordu tuma na un congreso di algun mil partidario dje movimentu extremista valones popular, lanta pa defuntu Andre Renard, e lider sindicalista valones cu a hunga un papel importante den e huelga di 1960/61.

E congreso a wordu reuni en relacion cu un desicion dje parti- do socialista Belgico, caminda nan a bisa cu afiliacion dje mo-

vimentu valones popular y par- ticipacion dje redaccion di co- ranan extremista "La Guache y "Links", no por uni cu e afilia-

PERMIT PA CONSTRUCCION DI HAF PARTICULAR

RIO DE JANEIRO, 29 Dec. - Se- gun un desicion di gobierno Bra- sil lo permitie companianan di

GUEVARA TOCANTE AFRICA

ARGEL, 29 dec. - E minister Cubano di industria, Ernesto Gue- vara, a bisa den un entrevista na Argel, cu Cuba ta opina, cu e principal peliger pa Africa ta e posibilidad di un reparto entre e estadonan Africano, cual parce ta crece dia pa dia. El a bisa cu di un parti tin paisnan, cu ta trata pa liberta nan mes cu propio esfuerzo y medionan,

mina pa mineral di heru, pa con- strui hafnan particular den ba- hia Sepetiba cerca di Rio de Ja- neiro. E fin dje desicion aki ta pa aumenta exportacion di mate- rias primas. Den e desicion aki tocante e politica di materias primas e president ta bisa, di ta duna tur ayudo nesecario pa expansion dje empresa di construc- cion di mina Rio Doce Valley Co. Segun e desicion ta nesecario pa interes nacional un aumento im- portante dje entradanan di e de- vies pa aumenta capacidad di importacion, cual aumenta tane- cesario pa adelanto dje pais, Tambe ta masha necesario pa cambia e circumstancianan di tra- bao y posibilidad nan di trabao den teritorionan di mina.

TUDELIJK!

AFWAS- BORSTEL GRATIS

bij elke grote fles

LUX VLOEIBAAR

cion dje partico co-socialista Belgico.

E partido prome cu principio di februari mester drenta den eheclusion. Na Belgica nan lo tene mei di otro anja eleccionnan ge- neral. No por haci pronosticacion- nan tocante forza dje partido socialista separa. Si ta conoci cu e movimentu popular Valones cu kier haci Belgica un estado federal pa proteha e valonesnan contra soberania Flamenco, tin principalmente entre obreronan den teritorio di Luik hopi parti- dario.

PAPA A HACI MISA PA DIPLOMATICO

ROMA, 29 dec. - Papa Pablo Sexto den anochi di pascu en presencia di cuerpo diplomatico a haci un misa di anochi den ca- pillia Sixtino. Dirigiendo su mes na Frances na e diplomatonan, Papa a bisa entre otro: "E unico motibu di

INCIDENTE ISRAELITA JORDANES

TEL AVIV, 29 dec. - Varios puesto Jordanes a tira riba un patrulla Israelita cu ta riba teri- torio israelita den e comarca di Boedroes y na Oost di Kfar Kassem, segun anuncia oficial- mente na Tel Aviv.

E patrulla a contesta e tiramentu. No tabatin perdidadnan di lamenta di fuente Israelita.

E comision di armis- ticio di Nacionnan Uni a worde pone na altura dje incidente, cu te di shete den e ultimo tres simannan na frontera Jordanes Israelita.

nos existencia nos ta debe na e misterio di Pascu. Nos unico destino ta distribucion di amor y paz. Un amor y paz cu ta bini di un fuente insecable cu ta corre pa tur hende.

MARTINI

TA OFRECE
tur
DIAMARS
8.15 pm
"HIGHWAY PATROL"
via:
TELE ARUBA



VERMOUTH EXTRA DRY SWEET BIANCO
WITCO

REY DE COPAS A



1. Maria Donati



2. Catrin Ruiz

Dia 24 di december ultimo senor Justo Gonzalez manager di Aruba Distilling Company tabatin e placer di por a entrega e premionan di e Concurso Rey de Copas, cual sorteo a tuma lugar dia 19 di December ultimo na 23 di e 25 ganadornan den e concurso grandioso aki. Un biaha mas miles y miles consumidornan di e ron Rey de Copas a tuma parti na e concurso cual continuamente ta regala miles y miles di florin. E biaha aki cuatro mil florin a worde reparti entre 25 ganador. E resultado di e nomber di e popchinan y e ganadornan tabata lo siguiente:

GANADORA DI FL. 1000,- CU E NOMBRE "PREDILECTA"

1. Maria Donati
GANADORA DI FL. 200,- CU E NOMBRE "AGRADABLE"
2. Catrin Ruiz
3. Lucio Maduro
4. Luciano Ras
5. Maria Kelly
Theresita Ruiz

GANADORNAN DI FL. 111,11 CU E NOMBRE "RAQUEL"

6. Mawis Theysen
7. Juan Lampe
8. Marisia Kock
9. Magaly Semeleer
10. Silvia Maduro
11. Hipolita Werleman
12. Johan Werleman
13. Roberto Fingal
Abeano Maduro



3. Lucio Maduro (Centro)



4. Luciano Ras



5. Maria Kelly

GANADORNAN DI FL. 100,- CU E NOMBRE "ENERGIA"

14. William Semeleer
15. Remacla Werleman
16. Agnes Almary
17. Theresita Tromp
18. Roque Figaroa
19. Margarita Vrolijk
20. Marciano Mathilda
21. Filomena Krozendijk
22. Edgard Arends
23. Freddy Flanegin



6. Mawis Theysen (Centro)



7. Juan Lampe



8. Marisia Kock (Centro)



9. Magaly Semeleer (Centro)



10. Silvia Maduro (Centro)



11. Hipolita Werleman (Centro)

REGALA FL 4000,-



12. Johan Werleman



13. Roberto Fingal (Centro)



14. William Semeleer (Centro)




15. Remacla Werleman (Centro)



16. Pedro Almery



17. Theresita Tromp



18. Roque Figaroa



19. Margarita Vrolijk



20. Marciano Vrolijk



21. Filomena Krozendijk



22. Edgard Arends



23. Freddy Fingal.

Mal tempu na Merca

SAN FRANCISCO--Un tormenta di nubia procedente di Artico ta amenaza awe e operacionnan di salvamentu di e victimanan di e inundacionnan reciente na norte di California, a la vez cu e ta aisla por completo centenares di persona den e regionnan montañoso bisinja na e estado di Oregon.

E inundacionnan cu durante cu cu dia a azota e region occidental di Merca a laga un saldo tragico di por lo menos 35 morto. Nan no a hanja tampoco e cuater tripulantenan di un helicopter di e Cuerpo di Infanteria di Marina cu a cai ayera mientras e tabata cumpli un mision di salvamentu. E mayor parti di e victimanan a muri ora cu nan tabata trata di proteha nan viviendanan contra di e avance di e torrentenan di awaceru.

Ademas, miles di persona a keda sin dak na e parti norte di California, Oregon e Idaho y aunke e awanan desborda a baha poco, e peliger no a desaparece por completo.

E tormenta di nubia di awe a cubri e region di e rionan di Klamath y Salmon, na e condado di Siskiyou, na norte di California, caminda 5 persona ta aísia.

Un helicopter di Fuerza Aerea cu a trata di bula riba e region mester a baha ora cu tabata for-

ma ijs na e motornan.

E carreteranan a keda tapa cu lodo arrastrá pa e torrentenan. E comunicacionnan telefonica a kibra por completo y e contacto pa radio a resulta dificil. Na e condado bisinja di norte, awanan di e rionan desborda y a hiba un banda di un cerru y a deposita na fondo di e Rio Smith, situa na 25 kilometer di e costa di Pacifico.

Rode Kruis ta calcula cu mas di 16.000 famia a sufrí fuerte perdida ora cu nan viviendanan comercian y granjarian a resulta danjá. Rode Kruis a informa cu e inundacionnan ta constitui e calamidad mas grave cu a ser registra na Merca den e ultimo diez anjanan.

E dañonan causá pa e inundacionnan den e regionnan devastá

lo jega na 2 millon dolar, segun calculonan di autoridadnan. Ta ser afirmá tambe cu 17.000 a perde nan residencia total.


Centenar di agente di autoridad, di Rode Kruis y voluntarionan ta yudando e damnificadonan. Mas di 30 helicopter a drenta den servicio di e condado Humboldt pa cumpli cu misionnan di salvamentu, si tempu lo permiti. Den e regionnan afecta tabata obligatorio di laga awa di consumo herbe pa evita un posibel brote di fiebre tifloidea.

Ademas, den e estado di Oregon autoridadnan a preveni contra di e peliger di un marejada na varios poblacion di e costa. E marejada por pasa ora cu e drenta den e awanan di e caudaloso Rio Columbia.

west di Saigon, nan a benta un granada den un restuarant,

como consecuencia di cual un mucha muher Vietnamesa a worde mata y 20 herida entre quende 4 militar Mericano y un fotografo Mericano di prensa a keda herida.

Diahuebs nan a comete un atentado di bom riba e permanencia di oficialnan Mericano di mas grandi na Siagon. Akinan dos Mericano a worde mata y 98 persona, entre kende 63 Mericano a keda herida.



Miles di persona mester a huy ora qu un di e inundacionnan mas grave qu por ser recorda na Costa Pacifico a azota e region aki. Ciudadnan completo na California Norte y Oregon a ser evacua. Riba e foto, nan ta utilizando machinnan pisá pa yuda habitantenan di e region move un trailer for di un area boscoso banda di Eel River na Miranda, California.

Avion militar a cai den laman

TOKIO - UPI - Un avion naval jet di e portaavion norteamericano Hancock a cai ayera den laman di China, na doscient milla west di Filipinas, segun comando naval a informa ayera. Cuater tripulante di e aparato a bula sali cu parachute for di e aparato ora qu el a pega candela y avionnan di escate a informa despues qu dos di nan a ser localisá den botonan salvabida.

E accidente a tuma lugar na west di Luzon, e principal isla di e archipelago Filipino, ayera nochi. Mas despues a ser informa qu nan a recoge tres di e tripulantenan, pero qu te ainda falta e di cuarto.

ATENTADO DI BOM NA S-VIETNAM

SAIGON, 29 Dec. - Na Mo Cay na mas o menos 80 km na Zuid

CHINA COMUNISTA A BIRA ENEMIGU MORTAL DI BRASIL

TOKIO--UPI-- China Comunista a lanza un fuerte campaña di propaganda contra Brazil pa e hecho cu e pais aki a condena e nueve ciudadanonan china, bao di e acusacion di a realisa actividadnan di spionahe.

E nueve hombernan sentencia tabata forma parti di un mision comercial cu tabata hiba a cabo negociacionnan cu e gobierno derroca di presidente Joao Goulart. Nan a ser acusa di ta spion, y durante di ocho luna, desde cu e revolucion a wordu produci cu a cala cu e gobierno izquierdista di Goulart, nan tabata deteni. Ya ta tres siman caba cu nan a cuminsa un huicio contra nan y esaki a termina dia 23 ultimo.

E chinonan a ser declara culpabel y nan a wordu sentenciá na 10 anja di prison. Awe, e agencia comunista di China a transmiti 7 declaracion censurando e condenanan, y na e accion aki a reuni e organo popular di Albania Zerl Popullit. Albania ta e unico aliado declará di China Comunista na Europa. E transmisionnan di e agencia di noticia comunista di China mescos cu nan a

wordu captá na Tokio, tabata señalá lo siguiente:

"Cientí trinta millon di chino ta protesta airadamente contra di e subordinacion di e tribunalan militar di Brazil na e imperialismo di Merca y e condena ilegal di e nueve periodistanan y miembronan di e delegacion comercial chino, cu a wordu acusá falsamente di realisa actividadnan subversiva... "Autoridadnan brasileña perversamente, di e manera mas injusta, na acusa infundadamente e chinonan inocente... y na sometenan na un fuerte persecucion politica, violando leyman internacional... Esaki ta constitui un provocacion dirigi na pueblo chino". E declaracion aki ta firmá pa e federacion PAN China di e Hubentud.

Di un otro banda, e federacion nacional di muher di China ta bisa cu "Tur e muherman china ta

hopi indigna pa e ocurrido... e muherman china ta pidi autoridadnan brasileña di nobo cu tur seriedad pa laga sin efecto e veredicto ilegal pronuncia contra di e nueve chinonan, pa nan keda den libertad inmediatamente y garantiza nan regreso, sano y salvo na nan patria".

"Si e autoridadnan brasileña sigi obedece e imperialismo di Merca y persisti den nan accion perversa, cu seguridad nan lo recohe loke nan a sembra".

Por ultimo, e diario di Albania ta expone cu e pueblo di e pais ei, "Huntu cu otro pueblonan progresista di mundu, ta exigi na un voz e veredicto ilegal di cu e nueve chinonan inocente cu tabata objeto lo ser revocá... e huicio tabata nulo y tabata consisti un flagrante violacion di e normanan di e derecho internacional y e derechonan fundamental humano".

* Cada 19 segundo un yiu ta nace na Hapon mientras cu cada 48 segundo un personata muri. Door di un aumento di poblacion di mas di un millon e anja aki e cantidad di Haponesnan actualmente ta mas di 97.000.000.

PROGRAMA DEDICA NA VUELO TRANSATLANTICO

MADRID--UPI-- Television spaño a dedica su espacio titula "Testimonio", ayera diadomingo, na e promer vuelo transatlantico for di España pa Buenos Aires cu na anja 1926 e pilotonan Ramon Franco, Julio Ruiz De Alda, Juan Manuel Duran y e sargento mecanico Pablo Rada, a efectua.

E programma a dura un ora y den su mayor parti e tabata forma pa fragmentunan di reportaje cinematografico di e epoca. Tambe a interveni un tecnico den aeronautica cu a drecha e dificultadnan cu e vuelo a ofrece, mescos cu e periodista veterano español Emilio Herrero, di United Press International, cu a wordu califica pa e propio Julio Ruiz De Alda como "Lanzador di e vuelo di Plus Ultra", duna pa-

sobra Herrero a duna un informacion amplio riba e preparativonan di e vuelo, den su calidad di periodista di United Press y enviado especial di "La Prensa"

di Buenos Aires. Herrero a recorda e brazafia mencionando e blahe cu el a hasi den e vuelo inicial di Plus Ultra for di e costa di Africa te na Palos de Moguer, for di unda el a sali dia 22 di januari di 1926 pa jega Buenos Aires dia 1 di februari, despues di hasi escala na Rio de Janeiro y Montevideo.

E informacion grafica a completa un portret di Herrero depositando un bouquet di flor dilanti di Plus Ultra, den e museo Nacional di Lujan (Argentina), na ocasion di e bishita cu e periodista veterano a hasi pa Argentina dos anja pasa.

* Un parti grandi di e costa oost di Merca a sufrí di maltempun y un llovida duru, mientras cu den west di Merca awa a stop di cai. Pero a traha lugar pa un frialdad intenso. E situacion di miles cu a perde nan cas pe inundacionnan door di esaki a bira mas critico.



AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MLJ.

Imprimi na:
 N.V. DRUKKERIJ
 "DE STAD"

Telefoon 1116 Directiva y redac-
 cion, 2116 Anuncio y subscrip-
 cion.

Director hoofdredacteur:
 D. Wolff.

POR CUMPRAR ARUBAANSE
 COURANT NA E SIGUIENTE
 LUGARNAN:

NA ORANJESTAD:
 BOEKHANDEL MARISKA.
 PIET SODA FOUNTAIN.
 REFRESQUERIA INGRID.

NA SAN NICOLAS
 NICOLAAS STORE.
 UNION STORE.

TELEARUBA

05.30 Children Hour
 06.00 Sir Francis Drake
 06.30 R.V.D.
 06.45 Papiamentu Newscast Live
 & UPI Newsfilms
 07.00 Bugs Bunny
 07.30 Sportnews
 07.45 Tomstone Terrytory
 08.15 Highway Patrol
 08.45 English Newscast Live &
 UPI Newsfilms
 09.00 77 Sunset Strip
 10.00 The Defenders
 11.00 Sign Off.

RADIO KELKBOOM

07.00 Opening
 07.02 Bon Dia cu alegria (Instr)
 07.30 Noticias Internacional
 08.00 Seleccin Musical cu dis-
 conan Latino Americano
 08.30 Cumpleanos Feliz
 09.00 Noticias Social
 09.15 Peticion Musical pa Tele-
 fon.
 10.00 Noticias Internacional
 10.05 Musica Varia
 10.30 Programma di N. Habibe Jr
 11.00 Noticias Internacional
 10.05 Musica Norte Americana
 11.15 Musica Antillana
 11.30 Musica Varia
 12.15 Noticias Internacional (Am-
 stel)

12.45 Noticia Local (Viana)
 01.00 Variacion di Ritmo Latino
 01.30 Mei ora cu Boleros
 02.00 Novela Repeticion
 02.30 Peticiones
 03.15 Ritmos di Caribe
 03.45 La Macorisana & Interna-
 cional Supermarket.
 04.00 Musica cu sabor Azteca
 04.30 Noticia Local (Heineken's)
 04.45 Cocktail Musical
 05.00 Danzones Cubanos
 05.15 Musica Varia
 06.00 Noticia Deportivo (Gillette)
 06.15 Musica Varia
 06.30 Musica para la Cena
 07.00 Noticia Internacional na
 Pap.
 07.15 Musica Hulandes

07.45 Musica Norte Americano
 (Instrumental)
 08.15 Novela (Golgate)
 08.45 Musica Varia.
 09.15 Verzoekplaten Programma.
 09.45 Musica Varia
 10.00 Sluiting.

RADIO ANTILLANA

A.M.
 05.30 Mananita Arubana
 05.45 Bai Trabao den Compania
 di Bo Companiero Constan-
 te Radio Antillana.
 06.10 Noticia na Ingles
 06.30 Noticia na Papiamento
 07.10 Noticia na Ingles
 07.30 Noticia na Papiamento
 07.45 Programa di Jule Nieuw
 08.00 Espacio pa un ritmo criollo
 y un poesia.
 08.10 Variedad Musical
 08.30 Musica y Consejo dedica na
 nos amigonan automobilista
 09.00 Noticia na Papiamento
 09.15 Programa dedica na tur ama-
 nan di cas.
 10.10 Noticia na Ingles
 10.20 Programa di La Macorisa-
 na e Internacional super-
 markets
 10.40 Momento di Ritmo
 11.00 Tangos
 11.15 Regalo Musical

P.M.
 12.00 Melodias Antillanas
 12.05 Noticia na Ingles
 12.20 Noticia na Papiamento
 12.30 Noticia na Ingles
 12.45 Capsulas En Orbitas Al-
 rededor di Mundo Deportivo
 01.00 Noticia na Papiamento
 01.15 Fiesta Calypso
 02.00 Lo de Ayer
 02.30 Boleros Romanticos
 03.00 North-American Music
 04.00 La Esperanza y su Obse-
 quio Musical
 04.30 Complaciendo Peticiones
 05.00 Noticia na Papiamento
 05.15 Calypsorama
 05.45 Calendario Antillana
 06.00 Ora Infantil
 06.15 Musica a Norte Americano
 06.30 Noticia na Ingles
 06.45 Variacion Musical

07.00 Felicitaciones y complacen-
 do Peticiones
 08.00 Programa dedica na tur nos
 pacientnan den Lago y San
 Pedro Hospital
 08.15 Cont. di Felicitaciones y
 complaciendo peticiones
 08.30 Saludos Reddy Kilowatt (dial-
 diaz, diabierna, diasabra
 09.00 Musica Latina
 09.15 Programa dedica na nos a-
 migonan Polis
 09.30 Anioranzas.
 10.30 Melodias y Romance Musi-
 cal.

RADIO VICTORIA

A.M.
 06.00 Apertura, Wilhelmus,
 The Lord's Prayer, Musica
 06.15 E Bijbel Habri
 06.30 Ultimas Noticias
 06.45 Ecos del Cielo
 07.15 Noticias Espanol
 07.25 Llamada A La Conciencia
 07.30 World News
 07.45 Thought For The Day
 07.50 Bo Musica Favorito
 08.15 Joyas del Hogar
 08.30 Ultimas Noticias
 08.45 Musica di Banda
 09.00 Gymnasia
 09.15 Canticanan di Evengello
 09.30 Morning Melodies
 10.00 World News
 10.10 The Bible For You
 10.15 Through The Bible
 10.45 Thoughts on Home
 11.00 Chapel of the Air
 11.15 Melodias di Merdia

P.M.
 12.00 Ultimas Noticias
 12.15 Musica Sagrada
 12.30 World News
 12.45 Quiet Time
 01.00 Radio Concert Hall
 02.00 Reading Room
 02.15 Songs That Touch
 The Heart
 02.30 Quiet Hour
 02.45 Hymntime
 03.00 Peticiones
 03.15 Ensuenos Musicales
 03.45 Musica di Banda

04.00 Control Central
 04.15 Ultimas Noticias
 04.30 Listening Post
 04.45 Muchanan pa Criste
 05.00 Canta Leo.
 05.15 Palabranan di Bida
 05.30 Noticias Espanol
 05.45 El Pan De Vida
 06.00 Nederlands Nieuws
 06.15 Christelijke Liederen
 06.30 World News
 06.45 Baptist Hour
 07.15 Off The Record
 07.30 Bible Time
 08.00 Musical Gems
 08.30 Back To The Bible
 09.00 Klassieke Liederen
 10.00 Sign Off.

POSTSLUITINGEN

Anguilla 13.30; Antigua 13.30; Bo-
 naire 15.30; Canada (13.30)(15.30)
 Curacao (9.30)(15.30); Europa (1-
 (9.30)(15.30); Guadeloupe 13.30;
 Haiti 13.30; Jamaica 15.30; Mar-
 tinique 13.30; Montserrat 13.30;
 Miami Fla (2)- 15.30; New York
 (13.30)(15.30); Puerto Rico (3)-
 13.30; Rep Dominicana 13.30; Ve-
 nezuela 15.30;--

CUMPLEANOS

Awe dia 29 di Dec ta cumpli 6 anja
 hobencia Marlene Thomas Sta-
 tius, hopi felicitacion tabini di su
 tata Ernesto, mama Maria, ru-
 manan Gladys, Mildred, Narciso,

Edgar, Charles y Lucia, wela
 Johanita, primo y primanan,
 tio y tianan, padrino Pedro Wil-
 lems, madrina Maria Willems y
 demas famia Statius, Rib Wernet,
 Krozendijk y Willems.

* Na un reunion dje bond di com-
 ponistanan Ruso nan a ehecuta
 atakenan riba e presentacionnan
 sin smaak y antiguo di musica.

Nan kier establecimento di stu-
 dianan experimental den teatro-
 nan mas grandi di musica y for-
 macion di teaternan di opera y
 ballet pa mucha.



Campeonatonan di baile na Alemania Occidental ta birando mas y
 mas popular dia pa dia. E competencianan aki en realidad ta mitar
 un prueba atletico y mitar un prueba di elegancia. Helga Bernhold
 a keda bunita den su traha fini ora e qu su casa, Juergen, a gana e
 campeonato amateur aleman pa tercer biaha.

Felicidad di un profesor Novela

No. 13.

"Ayer tabata ultimo dia cu
 mi tabata felis", e ta bisa den su
 mes. Tur cos a pasa.....di berdadi
 Lentamente e ta bolbe cuminza
 cana den direccion di su auto.
 E ta sinti con bashi su curazon
 ta. Ya e no ta sinti bida mas. E
 desicion di mas grandi den su bi-
 da, a pone bira duro, mescos
 cu un piedra.

XXXX

"Pero esey ta un locura", Hella
 ta bisa gritando, ora cu Christoph
 a bin bise. Oh, Christoph ta kiko
 bo a hinca den bo cabes?" "Un
 locura bo ta yame? Ami no ta ha-
 ya bini den e cuarto. E cuarto
 no tabata mucho grandi, y ele-
 gantemente muebla. E stoelman

tabata fura cu un color blauw
 berde. E tapijt color shinishi y
 diki tabata mustra masha costo-
 so. Na e bunita murayanan ta-
 bata tin algun cuadro moderno
 colga. Den e cashi tabata jen di
 boeki y recuerdos. Na e mesa
 rondo, Hella tin custumber di sinta
 bebe tee cu algun amiga. Henter
 e cuarto ta holer e mesun perfu-
 me dushi cu e sa usa. Na e mo-
 mento aki, e ta sinta na e lesse-
 naar, cu un bista sencillo, color
 blauw na su curpa. Ainda e tin
 su pen den su man, pasobra net
 e tabata skirbiendo un cartapasu
 mama, ora cu su esposo a cana
 drenta. Incomprendibel e ta keda
 mira Christoph, cu su bunita wo-

wonan grandi. "Esaki ta e unico
 solucion logico", Christoph ta
 bisa tranquil, pero e ta evita di
 mire den su cara. "E solucion
 aki a sali door di e situacion
 fatal cu nos ta aden awor. Abo
 tin deseo di haya jiu...." "Mi
 no kier haya jiu mas, Christoph"
 e ta cuminza grita. Christoph ta
 haci un gesto negativo cu su man.
 "Ach, no laga nos circula rond
 di e problema ey, mi dushi! Bo
 deseo no a cambia na nada. Y a-
 demas e ta masha natural y sa-
 ludabel. Pero bo ta capaz di pu-
 sha e deseo na e punto mas
 profundo di bo curazon. Pero bo
 no mester acepta esey". "Or-
 gullo idiota! Christoph, ta bo
 orgullo di homber ta ponebo tu-
 ma e decision aki. Pero kiko
 bo kier anto? Ami ta stimabo!"
 Hella ta bringa cu tur e arma-
 nan cu su curazon por dune. Chris-
 toph mester forza su mes, pa e
 no bira debil. "Bo ta kere cubo
 ta stimami, mi jiu. Mi tin duele
 di bo. Bo no por imaginabo, con
 mi lo por biba, sin bo. Pero ya
 prome cu nos a casa, mi a biba
 sin bo tambe." "Christoph!"
 Tabata un quehido doloroso. E
 tabata sintie ofendi, y e tin raz-
 on tambe. Christoph ta falso, y
 ta pone sufrir. Pero e ta hacie co-
 mo un cirujano, cu mester usa
 su cuhul pa cura otro dolornan.
 Oh, e ta masha especializa den
 e methodonan di su profesion. Y
 awor e ta usa e methodonan aki

contra su mes y contra dje. "No
 tumami na malo, si mi ta pone-
 bo sufrir. No ta mi intencion.
 Pero un hende ta custumbra cu tur
 cos. Mitambo lo custumbra pa ke-
 da sin bo". "Sin mi? Bo kier di-
 vorcia di mi anto?" "Ami ta ha-
 ya cu ta e cos di mas inteligente
 cu nos por haci." "Esta tranquil
 bo ta bisa esey. Esta indiferente.
 Nunca bo a stimami". Christoph
 ta morde riba su lipnan, pero e
 ta keda keto. En vano Hella ta ke-
 da spera un palabra di dje. Y
 despues e ta bolbe bisa: "Bo a
 ofendemi masha hopi Christoph,
 cu mi ta asina indiferente pa bo,
 pero un cos mi kier bisabo ainda:
 Bo ta kibra mi curazon." "Bo
 ta exahera." "Mi no por imagi-
 nam! un bida sin bo, pero si mi
 por imaginami un bida sin jiu.
 Abo ta nifica tur cos pa mi." Christoph mester obliga su mes
 pa desmenti Hella supalabranan.
 Y sin mire den su cara e ta bi-
 sa: "Esey ta imaginacion, mi jiu!
 Y si nos sigui biba junto, mas
 despues lo mi haya tende, con
 hopi mi a desilusionabo. Y algo
 asina lo mi no por soporta."
 "Pa miedo, bo kier destrui nos
 matrimonio?" "Jame manera bo
 kier!" "Christoph, mi no por re-
 conocebo mas. Bo no ta haya cu
 tur e cosnan ey ta orgullo terri-
 bel di bo banda? No ta pasobra
 bo no por soporta cu bo no por
 traha jiu?" "Aha, ya bo a cumin-
 za", e ta hari amargo. "Ya caba

bo ta hacimi reproche." Hella ta
 cuminza jora. E pen ta cay foy
 den su man. E ta sosega su elle-
 boognan riba e mesa, y ta sosega
 su cara cansa, den su mannan. E ta
 cuminza snik poco poco. Y esey
 ta haci Christoph bira mas ner-
 vioso. "Domina bo mes, no Hella.
 Bo no mester laga tristeza domi-
 nabo asina liher. Paningun di nos
 dos ta agradable, pero pa mi ta
 mas duro cu pa bo. No purba
 hacimi cambia di idea. Mi deci-
 sion ta tuma caba. Nos lo separa
 foy otro. Y pa tur cos sali bon,
 mi ta pidibo, pa cuminza prepara
 e motibonan di divorcio. Pakiko
 ami mester entrega un queho con-
 tra bo? Mi no tin nada di repro-
 chabo". "Ami tampoco Chris-
 toph", Hella ta bisa forando. "Bo
 mester pensabo bon. Bo mester
 por haya e formula adecuado. Lo
 mi ta capas pa tur cos. Ora ta
 asina leeuw, lagami sa. Y awor
 mi ta prepara di bay bek den
 mi cuarto. E combersacion aki
 ta traha riba mi nervionan".
 A aparece un trek amargo riba
 Christoph su boca. "Bo ta duna
 bo mes mucho trabao, pa haci
 mescos cu tur cos ta bon entre
 nos dos, pero lo bo no haya exi-
 to, Hella! Mi sa masha bon, kiko
 ta separa nos, y loke semper lo
 keda entre nos dos." Prome cu
 Hella por a conteste, el a sali
 bay.

E ta sigui.....

RIP KIRBY


pa cortesia di:

JAN BODEGOM & CO (ARUBA) N.V.Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.****CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.

**BUCHI ROBEZ**

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEPITA**

with compliments of

OFICINA MARITIMA DE ARUBADOCUMENTATION & TRANSPORTATION
FOR INCOMING, LOCAL & OUTGOING CARGOES BY AIR, SEA AND LAND**DICK TRACY**

presenta pa cortesia di:

VICTORIA BOTTLING COMPANYPEPSI-COLA---SEVEN UP---GRAPETTE-KIST--VICTORIA SODA WATER---
BUFFALO ROCK--GINGER ALE---**HOROSCOPO PERSONAL**

ARIES - 21 de marzo - 20 de abril - Tal vez se vea hoy en la necesidad de usar mucho tacto, especialmente al se enfrenta a la persona que ha dado los regalos.

TAURO 21 de abril - 21 de mayo Las circunstancias existentes deberfan ser mejorados mucho por el Tauro que este dispuesto a hacer sacrificios personales.

GEMINIS - 22 de mayo - 21 de junio - El Geminis que se comporta con prudencia hoy deberia ser capaz de ganarse amigos y quizá aún influenciar a la gente.

CANCER - 22 de junio - 23 de julio-Si evita esperar que las cosas salgan de acuerdo con la lógica, deberfa salir bien de las actividades de este día.

LEO - 24 de julio - 23 de agosto Procure trabajar como de costumbre y luego por la noche vaya a hacer visitas. Pasará un rato agradable.

VIRGO - 24 de agosto - 23 de septiembre-Este es día en que los pequeños errores podrian conducir a consecuencias grandes.



Pa fls. 1.50 y
30 tapa di
Coca-Cola, Bo
ta recibi un
12" long play disco
Cambia na:



P.S. Nos a caba
di recibi
un stock nobo
di disco.

LIBRA - 24 de septiembre - 23 de octubre - Estudie bien los problemas grandes antes de tratar de designar responsabilidad por los menores.

ESCORPION - 24 de octubre - 22 de noviembre - El convencer a otros de la validez de sus actuales necesidades deberia ser la órden del día.

SAGITARIO - 23 de noviembre - 22 de diciembre - Usted podria despedir bien el año viejo si comienza a hacer sus preparaciones ahora.

CAPRICORNIO - 23 de diciembre - 20 de enero - Este noes un día para aprobar motivos. Acepte lo que le ofrecen; puede investigar más tarde.

ACUARIO - 21 de enero - 19 de febrero - No mantenga en secreto sus sentimientos. Las personas de quienes depende para hacer decisiones inteligentes necesitan una base sobre la cual girar.

PISCIS - 20 de febrero - 20 de marzo - Ponga a trabajar parte de su determinación. Sea lo que fuere que digan otras personas, su idea es buena.